

Sel Prestuhn Henry B. Eyring

Mwet in Kahsruh Se Met
ke Prestuhnsi Se Met



Fahkwack Luhlahlfongi ac Eklac

Oasr siena lac inmahsrlon eis sie fahkwack luhlahlfongi ke ma pwacye ac in eklac na pwacye. Oacna ke, Mwet Sap wowo Peter el oruh fahkwack lohoh lal nuh sin Mwet Lahngo lah el etuh lah Jisus pa Wen nuhtin God.

“[Jesus] el siyuk selos, ‘Ac kowos, kowos mu su nga uh?

‘Na Simon Peter el topuk ac fahk, ‘Kom pa Christ, Wen nutin God moul.’

“Ac Jisus el fahk, ‘Mwe in sewowo nu sum, Simon, wen natul John! Ma pwaye se inge tia fwackyuk nu sum sin kutena mwet, a itukot nu sum sin Papa tumuk inkusrao” (Matthew 16:15–17).

Ac tukun ma inge, ke ohsun Lal nuh sel Peter, Leum El sang nuh sel ac nuh sesr mwe kolyuck se in eklac na pwacye ac in tahfwelah eklac sac ne tok. Jisus El fahk ohinge: “Ac ke pacl se kom sifil foloko nu yuruk, kom fah akkweye mwet wiom inge” (Luke 22:32).

Jisus El lotwel Peter lah srwackna oasr eklac yohk se ma enenuh in wi sie fahkwack luhlahlfongi in kuh in nuhn-kuh, puhla, ac mukwikwi oacna mwet tuhma lutlut luhn Jisus Kraist suc eklac pwacye. Pa ingacn eklac yohk se kuht nohfohn suk uh. Pacl se kuht ac eis uh, kuht enenuh eklac sacn in tahfwelah nwe ke sahflah ke moul luhn fac-luh lasr uh (liye Alma 5:13–14).

Kuht etuh ke ma kuht sifacna puhlakihn uh ac ke tuni-yacn mwet sahyac muh kuhtuh na pacl wowo ke kuh luhn

nguhn uh fah tiac fal. Peter el lahfwekihn lah el etwac! Mwet Lahngo finne tukun el eis lohoh se sin Nguhn lah Jisus pa Kraist. Mwet Lohoh Tolu ke Puk luhn Mormon oasr fahkwack luhlahlfongi suwohs se ituckyang nuh selos lah Puk luhn Mormon pa kahn luhn God, ac tohkohyang elos muhnahsrah in ahkkweyeyac! Joseph Smith in Mwet Pahluh ke Alu luhn Leum.

Kuht enenuh eklac se nuh insiyacsr, oacna ke ahkkah-lwemyeyuck ke puk luhn Alma. Ac elos oruh kain se na ma fwackyuck nuh sin mwet uh—ma insiyaclos eklac; lah wacngihnlac kena lalos in oruh ma koluk (liye Alma 19:33; liye pac Mosiah 5:2).

Leum El luti kuht lah ke kuht eklac na pwacye nuh ke wosasuc Lal uh, insiyacsr fah iklac liki elyah kuhtasrihk ac eklac nuh ke kuhlwaconsap in tahpuhk mwet sahyac ke elos mukwi nuh met ke moul ma pahtpaht. In eis eklac sacn, kuht kuh in pruhe ac orekma ke luhlahlfongi in orwacrah sie ma sasuc oreklac ke Iwacrah luhn Jisus Kraist.

Kuht kuh in muhtwacwacack in pruhe ke luhlahlfongi in auliyak ke kuhtasrihk ac ke mwe sang luhn elyahkihn mwet sahyac yohk liki kuhtna. Kuht kuh in pruhe ke kuh in fihliyac nuh sahyac inse fuhlwaht ac mwel.

Pruhe fah oruh ki se pac in eis mwe sang ke sie luhngse nuh ke kahn luhn God ac nuh ke luhngse luhn Kraist (liye Moroni 7:47–48). Ma luo inge tuhkwani nuh sie. Ke kuht rit, motko, ac pruhe ke kahn luhn God, kuht ac fah

luhngse kac. Leum El fihliyac lun insiyacsr. Ke kuht puhla luhngse sacn, kuht ac muhtwacwacack in luhngsei na yohk Leum. Ke luhngse nuh sin mwet sahyac fah tuhkuh ma kuht enenuh in ahkkweyacos suc God El fihliyac ke inkacnek lasr uh.

Nuh ke mwe srihkasrak, kuht kuh in pruhe in akihle-naclos suc Leum El sang misineri Lal an in luti. Misineri ke pacl nuh kwewa kuh in pruhe ke luhlalhfongi in etuh ke Nguhn ma in luti ac ahkpwacyei. Elos kuh in pruhe in luhlalhfongi lah Leum lac sang elos in puhla luhngse Lal nuh sin mwet nuh kwewa elos sun. Misineri uh fah tiac us mwet nuh kwewa elos sun uh nuh ke kof in pacptais ac nuh ke mwe sang luhn Nguhn Muhtahl. Tuhsruhk elos kuh in eis Nguhn Muhtahl in weluhlos. Ke kuhlwacnsap lalos ac ke kahsrh luhn Nguhn Muhtahl, misineri uh fah, kais kuhtuh, eklac insiyacos.

Eklac sacn fah sifil ahksasuciyucklac na ke elos ac kuht tiac kuhtasrihk ke moul uh in mukiwkwi ke luhlalhfongi in ahkfokokoye mwet sahyac ke wosasuc luhn Jisus Kraist. Eklac fah tiac oruh sie mukwikwi kuh sie ma fah sahflah ke sie puhlan pacl ke moul uh tuhsruhk fah oruh mukwi-kwi se ma ac fahfahlac na. Moul uh kuh in kahlwemi nwe ke lwen wowo se, ke kuht ac fah liye Mwet Lahngo ac konwacack lah kuht ac muhtwacwacack in oacna El. Leum El ahkuhtweyac fuhfahsryucsr uh ohinge lah ma luhn God uh pa kahlwem ac el suc eis kahlwem ac wina God, eis kahlwem yohk ac kahlwem sacn kahlwemi na nwe ke lwen wowo sac (liye D&C 50:24).

Nga olwelah nuh suwos lah fihsracsr nuh sesr kais sie.

LUTI KE PWENG SE INGE

Elder David A. Bednar ke U luhn Mwet Sap Singucul Luo orekmakihn "puhpuhlyuck se ke pickle" in luti lah eklac sac pa ma ac fahfahlac se likina ma in orek ke pacl sefanna: "Lain nuh ke lain ac mwe luti nuh ke mwe luti, kahkhsrihk na ac apkuhran in tiac kuh in akihlenyuck,

srihpac lasr uh, nuhnak lasr uh, kahs lasr uh, ac oruh lasr uh suwohsi nuh ke luhngse luhn God" ("Ye Must Be Born Again," Liahona, Mei 2007, 19). Motko in sifil liye ke puhpuhlyuck ke pickle nuh yurin mwet kowos luti an. Meac kuht kais sie kuh in oruh in kahkhsrihk fahsr na nuh met ke oruh luhn eklac se ma kais kuhtuh wolac ma Prestuhn Eyring ac Elder Bednar tuhkweni sram-sramkihn uh?

MWET FUHSR

Eklac luhn Insiyuck

Sel Dante Bairado

Ke nga tuhfehna etwacalah ke fohlohkyak ke wosasuc luhn Jisus Kraist, nga puhla lah Nguhn ahkpwacyei ke pwacyeyiac. Ke pruhe, fahkwack luhlalhfongi luhk uh kahlwemi yohk, ac nga sulaclah in pacptaislac.

Pacl fototo tukun pacptais luhk ah, mwet ke ward luhk ah siyuck sihk lah fuhkah puhla luhk in kuhlwacnsap ke sie misin. In fahk na pwacye, nga tiac etuh na pwacye lah meac ngwac fahk. Nuhnkuh in som liki sucu ac lutlut luhk in kuhlwacnsap ke sie misin luhman lusrongtwen.

Na sie lwen ah nga muhtwacwacack nuhnkuh ke eklac se luhk ah. Nga esamwack misineri ma lutiyuc ah, suc ma mongfihsracsr in tohpohklah kihsen siyuck luhk ac kahsrweyuc etuh ke wosasuc uh. Nga akihlen lah fin wacngihn kahsrh lalos, nga fah tiac konwacack Alu pwacye se. Tiac paht tukun nga akihlacnwack ah, kena se in kuhlwacnsap fahrngwelihk lun insiyuck. Nga kuh in puhla Nguhn in fahk nuh sihk lah nga enenuh in kuh-lwacnsapuh sie misin fohnlah.

Nga etuh lah orekma luhn misineri pa orekma luhn Pahpah tuhmasr Inkuhsrao ac lah kuht kuh in kahsrh use nguhna nuh ke etuh wolacna se ke fohlohkyak luhn wosasuc.

Mwet sihm se muhta fin acn Fortaleza, Brazil.

Lwelah Fahkwack Luhlahlfongi Lowos an in Fihrihr Kahlwem

Ahkyohkye fahkwack luhlahlfongi se oacna ahkyohkye sie e. Oacna ke kuht ac sang etong nuh ke e se in fihrihrna, kuht enenuh in pruhe, auliyak, kuh-lwacnsapuh mwet sahyac, lutlutkihn ma suhmuhslah, ac liyacacng masap uh in kahsrub fahkwack luhlahlfongi lasr uh in kahlwem.

In etuh yohk ke ohiyacn muhsahi fahkwack luhlahlfongi, riti kais sie ma suhmuhslah tahkihnyucklac ten inge. Srolwacalah sie e an ke koan e luhlahp limekohsr. Srolwacalah sie koan e ke ma suhmuhslah nuh kwewa kowos riti an. Puhsiacn ma suhmuhslah kowos riti an, pa kahlwemi luhn e se—ac fahkwack luhlahlfongi lowos an!

Liye Mosiah 2:17.

Liye Alma 5:46

Liye Alma 32:27

Liye 3 Nephi 15:10

John 5:39

© 2015 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 1/14. Ahkkweyeyucklac ke lweng: 1/14. Lwenglah luhn *First Presidency Message, February 2015*. Kosraean. 12582 868



Ohiyac luhn Jisus Kraist: Wacngihn Ma Koluk

Pruhe in luthutkihñ kuhfa inge ac suk in etuh ma in akacsruhi kac. Etuh moul uh ac kunohkohn luhn Mwet Lahngo ac ahkyohkye fuhkah kuh in luhlalhfongi lowos Kacl ac ahkinsewwoyoye mwet kowos liyacacng ke forfor luti uh? Nuh ke kuhtuh pac ma in etuh, som nuh ke relief society.lds.org.

Luhlalhfongi, Sucu, Kahsruh

Pa inge ip luhn Pweng ke Forfor Luti na pwacye ke ohiyac luhn Mwet Lahngo.

Mwet Lahngo lasr, Jisus Kraist, pa muhkwenā kuh in oruh sie iwacalah nuh sin mwet uh. “Jisus Kraist, Lamb ma wacngihn mwacta, insese in fihlilyac sifacna fin mwe kihsac ac molwelah molo se ke ma koluk lahsr uh,” Prestuhn Dieter F. Uchtdorf, Mwet in Kahsruh Ahkluo ke Prestuhñsi se Met el fahk.¹ In kahlwemkihñ lah wacngihn ma koluk Lal Jisus Kraist kuh in kahsrwe kuht ahkyohkye luhlalhfongi kuh lasr Kacl ac srihke in sruok masap Lal, auliyak, ac nwacsñwacslah.

“Jisus El tuh . . . mwet oasr mahno ac nguñn, tuhsruhk El tiac ikolyucki ke mwe sruhf (liye Mosiah 15:5),” Elder D. Todd Christofferson ke U luhn Mwet Sap Singucul Luo el fahk. “Kuht kuh in forwacng nuh Sel . . . ke srihpen El etuh. El etuh ke ma upac, ac El etuh pac ke ohiyacñ kuhtanglah ma upac. . . .

“ . . . Kuh luhn Iwacalah Lal kuh in elah oruh luhn ma koluk in kuht uh. Ke kuht auliyak, luhng kuhlwacng Lal ahkpwacyei ac

ahknwacsñwacsye kuht (liye 3 Nephi 27:16–20). Oacna in muh kuht tiac puhtatyang, in muh kuht tiac ikolyucki ke mwe sruhf.

“Ke kuht kwacfeacng ke lwen nuh ke lwen ac wik nuh ke wik in ukwe inkacnek luhn Kraist, nguñn lasr uh ahkkahlwemye mahtuhiyac, mweun ke ma wo ac ma koluk, ac mwe sruhf uh tilac ahkfohs.”²

Tahfweyacñ Ma Suhmuhsrah

Matthew 5:48; John 8:7;
Hebrew 4:15; Liye 2 Nephi 2:5–6

Ke Ma Suhmuhsrah uh

Mwet Lahngo El molwelah molo se ke ma koluk lasr ke oruh Lal in Wen muhtahl, moul wacngihn ma koluk Lal, kweok Lal ac kahklah luhn srah Lal ke Imac Gethsemāne, misac Lal fin sahseng ac Moulyak Lal liki kucluyuck. Ke Iwacalah luhn Jisus Kraist, kuht kuh in nwacsñwacslah pac ke kuht auliyak ke ma koluk lasr uh.

Tohkohsrah Benjamin el luti mwet lal ke Iwacalah luhn Jisus Kraist ac siyuck lah elos luhlalhfongi

kahs lal. Elos nuh kwewa wowoyak ke puhsra sefanna, fahk lah Nguñn el orwacalah eklac na yohk nuh selos kuh nuh in insiyaclos, lah elos tilac ke oruh ma koluk tuhsruhk in oruh ma wowo fahfahlac na. . . .

Ac kuht nuh kwewa insese in ilyak nuh ke olweacng nuh sin God lasr in oruh luhngse Lal, ac in ahkostwen nuh ke masap Lal ke ma nuh kwewa (Liye Mosiah 5:1–2, 5).

Kuht kuh pac in “eklac yohk” oacna mwet lal Tohkohsrah Benjamin, suc wacngihñlac kena la in oruh ma koluk, tuhsruhk in oruh ma wo fahfahlac na. (Liye Mosiah 5:2).

MWE KAHSRUH

1. Dieter F. Uchtdorf, “You Can Do It Now!” *Liahona*, Nohfuhmpuh 2013, 56.
2. D. Todd Christofferson, “That They May Be One in Us,” *Liahona*, Nohfuhmpuh 2002, 71.

Nuhñkuh Ma Inge

Fuhkah sie lacna luhn in nwacsñwacs likina in fas?